



20. april 2011

Inatsisartut suleriaasiat § 37 naapertorlugu Naalakkersuisunut imaattumik apeqquteqarpunga:

Naalakkersuisunut Apeqqut:

Naalakkersuisut pilersaarutigaat anguniagaralugulu Air Greenlandimut piginneqatigiissutit aktiat sulisorisanut tuniniassallugit? Ilumoorsimappat, Naalagaaffik aammalu SAS piginneqataasut isumaqatigalugit tamanna ingerlanneqarpa?

Tunngavilersuut:

Air Greenland nunatsinni angallannikkut ataqatigiinnikkullu annertuumik pingaaruteqarpoq tamannalu kisermaassilluni ingerlaarfinnut aalajangersimasutigut ingerlatsilluni. Siumumi isumaqarpugut Namminersorlutik Oqartussat ingerlatseqatigiiffik mianeralugu suleqatigissagaa qulakkeerumallugu inuiaqatigiit angallannikkut pisariaqartitai pitsaasut atuutsikkumallugit. Piginneqatigeeriaaseq allannguuteqassatillugu soorunami Siumumi annertuumik soqutigaarput tusarfigissallugu aammalumi isumaqarluta Naalagaaffiup piginneqatigiissutai Namminersorlutik Oqartussanit pigineqalernissaat.

Air Greenlandimi aktiat piginneqatigiissutit piginnittunut ataasiakkaanut imaluunniit arlariinnut piginnittuulersussanut tunniunneqassappata Siumumi annertuumik aarlerinartutut nalilerumavarput, tamannami kinguneqarsinnaammat ingerlatseqatigiiffiup ingerlanneqarneranut, nakkutigineqarneranut akingititaasunullu sunniuteqarsinnaaneq annikillerujussuassasutut isumaqarfigigatsigu. Tamannalu inuiaqatigiinnut ajoqutaasinnaavoq. Taamaammat taakku toqqammavigalugit Naalakkersuisut qulaani pineqartumut qanoq politikkeqarnersut pilersaaruteqarnersullu tusarusuppakka.

Kissaatigaara apeqqutima ullut suliffiusut qulit qaangiutsinnagit akineqassasoq.

Ikinngutinnersumik inuulluaqqusillunga

Aleqa Hammond
Siumut